

敘

繼春秋而後大一統而明予奪者莫過綱目一書然而上下數千
百年文成數百萬讀者若涉大海茫無津涯纂輯家就簡刪煩名
手錯出而微言奧旨字義典實略焉弗詳雖極好學深思心知其
意而亦無由悉其條貫迨考之他書質之師友而卒未能了然有
得余素欲講求春秋大義故每樂觀綱目全篇十餘年來余歷官
秦晉豫蜀皇皇幾務得以經史自娛之日絕少偶有暇刻亦不獲
縱覽全史輒取諸家纂輯者繙閱之亦僅能識其大概而已前大
司馬留村公余族兄也由撫閩晉總制兩粵攜從子楚材彙前賢
近代名流之文而輯之曰古文觀止余兄作之敘而梓行之迄今
風行海內其正蒙養而裨後學厥功誠非淺鮮也今年春余奉

天子命撫滇南楚材與友周子靜專星若輯有綱鑑易知錄草萬里寄
余余略觀大意法遵綱目注集王劉煩簡適宜雅俗咸賞及信手
拈一卷細閱之無義不挾無書不羅俾讀者不必考之他書質之
師友而了然有得而余亦自喜向之僅識其大概者今且纖毫必
悉矣名曰易知良不誣也以之正蒙養而裨後學視古文觀止之
刻厥功殆爲過之其風行更當何如哉余急命付之梓爰爲之敘
康熙五十年仲夏吉旦巡撫雲南兼建昌畢節等處地方贊理軍
務兼川貴兵餉都察院右副都御史愚叔存禮立庵氏題

敘

余嘗讀諸史而獨取綱鑑易知錄一書謂善繼紫陽之志何也自涑水有資治通鑑朱文公繼之作綱目於是劉氏解其書法尹氏加以發明汪氏則有考異孔氏則有音訓王氏有集覽孫氏有音釋諸氏用力於此書可謂勤矣至綱鑑易知錄則以簡明見長夫史學之難難以冗也數千百年事數千百萬言苟非彊記過人安能一覽無遺蓋自有綱目而後冗者簡自有易知錄而後簡者益明山陰吳楚材先生與二周兄弟編輯此書其嘉惠後學有功前哲爲何如耶梓行後家置一編洛陽紙貴但尺木堂原刻漫漶已久坊間翻刻都無善本魯魚帝虎之訛觸目皆是殊爲藝林憾事茲本齋仿聚珍板式用活字重印一切體例悉

仍其舊而於圈點處略爲變易或於楚材先生編輯是書之旨有合於
萬一云

光緒十四年孟春之月

廣百宋齋主人徐潤謹識

序

予童年有志讀史然至老究未嘗一卒讀者何也蓋予性最拙讀時不能遽解待解移時輒忘又識字甚少時須考證且少以足疾廢六經諸子無心涉獵都邑山川不一遊覽縱有志讀史亦猶聾者之無聞盲者之無見故讀未終篇輒生厭倦此予所以究未嘗一卒讀也雖然予既有志讀史矣而欲待博羣書以悉其所聞歷名山大川以窮其所見度必不能然則予將作如何讀法而後可邪常觀世之樂於讀史者類多穎悟絕人之士一目數行俱下一覽終身不忘讀時不求甚解會心在牝牡驪黃之外故觀史務求其詳論史必歸於雅而若予之拙者欲求讀史之法寧簡毋詳寧陋毋雅庶乎其得之邪周子靜專星若予忘年友也弱冠工舉子業而尤邃史學乙酉歲攜其手輯綱目全編以示予讀史之法予遂與二子復相編輯不閒祁寒暑雨者殆六載苦簡篇之汗漫爲之摘要而刪繁慮大義之不明爲之提綱而挈領典故則攬撫源流詳箋細釋不必腹具經笥胸藏史鏡而燎若指掌輿地則遡厥沿革援古證今不必南浮北過西至東漸而宛如在目分涇別渭辨淄知澠則圈殊星列妍媸爛然而游移上下之見不設也沉奧屈曲之句險怪奇澀之文則點讀分明鉤鉗截然而聲牙澀咽之苦不形也迨夫字畫較毫釐音聲辨纖悉務絕譌以襲譌謬以承謬之弊則魯魚亥豕之誤杌杜伏獵之差殆可免矣至若覩此而失彼記乙而忘甲則注不勝注解不勝解失注則遺複解仍晦乃立見前見後法如呼醉使醒警夢使覺則全部神理首尾貫穿不猶全體血脈上下流通也哉予乃今而知讀史之法其在是乎予因之有感矣向有志讀史而未能一卒讀及欲求一讀史之法而不可得得與二子共相編輯以迄成書縱不能博羣書以悉其所聞歷名山大川以窮其所見以視予前日之耳無聞而目無見者大有逕庭然

後知觀史之不欲論史之不明者非盡天資遲鈍庸師誤人亦由編輯成書者引導無方而致然也二子屬予鏤版行之世予曰是書未可遽以問世也姑以私便檢閱自備遺忘藏之家塾以課弟子已耳適予友朱子聖懷亦寄予明紀鈔略一編遂續輯而并付之梓再閱歲工始竣二子復謂予曰若得大人先生序引則是書可行且能及遠予謂既無卓絕千古之識論定百代之興亡復鮮著作辨論之才品罵人事之得失而徒沾沾於句櫛字比審音訓義之末是殆兔園學究之所爲行且不能何望及遠顏曰易知錄同予之拙者幾人鮮不病予之簡而笑予之陋也

康熙五十年秋七月十五日山陰吳乘權楚材題於尺木堂

發凡

通鑑刪煩

通鑑固須全讀但人之姿性高下懸絕卷帙太煩豈能一槩記誦勢不得不刪然信手刪去盡失頭緒如何看得明白茲則細加斟酌事之源委人之始末起伏照應明若觀火

綱目全列

目之有綱猶傳之有經也使有目而無綱則目於何處著落而其閒之褒貶予奪亦茫無所據矣茲則有綱而無目未有有目而無綱者如人著眉如龍點眼褒貶予奪乃有定論

創立紀編

綱目正編自威烈迄五季續編自兩宋迄有元茲則上起三皇下終明代則威烈以前有元以後綱目豈敢自立然金氏有前編尊之爲綱而目則變而云紀谷氏有紀事仍之爲紀而綱則變而云編不敢自立綱目之名亦以不失綱目之意云爾

複出則見

是編中凡遇相同之處隔遠者則云見幾卷第幾在上下卷者則云見上卷第幾下卷第幾在本卷者則云見上幾或見下幾在一二張內者則但云見上見下不煩注解而無味後遺前之失更覺通體精神

典故詳明

典故或本經傳或出子史空疎者全未講究卽素號博雅之儒亦不過識其大槩而已或未必能確然指

爲某經某傳某子某史者不甚分曉使不親切茲則必指出爲某經傳某子史且必指出爲某經傳子史之某編某章自覺有味乎其言

輿圖直指

讀史經濟全在輿地輿地不明雖熟讀全史猶如說夢然但注爲郡名縣名及地名山名水名者與不注同卽或指出爲某郡某縣而但爲前代之郡縣名亦與不注同也茲則郡名直曰今某省某府縣名直曰今某省某府某縣山水地名直曰在某省某府某縣則國都之建立形勢之強弱戰爭之進退使命之往來如指諸掌如運諸目輿圖既熟經濟自生

別加圈點

讀史與讀他書不同務在分涇渭別嫌微茲則遇綱與編之是而得者用白圈。。。非而失者用黑點、、、則人之賢好事之美惡言之曲直意之誠僞燦若碁置矣若分注中僅用單圈分句以歸簡易

辨別音聲

一字有數音一音有一義如睢陽之睢讀雖恣睢之睢讀誨乘桴之桴讀孚桴鼓之桴讀浮之類是也一音有數聲一聲有一義如名譽之譽讀豫稱譽之譽讀餘長短之長讀場長餘之長讀仗之類是也蒙師教學信口讀去自誤誤人流毒不淺茲于本字之下詳加音注於初學亦不無小補云。

先儒姓氏

西漢

龍門司馬氏名遷字子長龍門人父談為太史遷繼父業作史記

洛陽賈氏名誼字安洛陽人著有過秦論治安策

廣川董氏名仲舒廣川人著有賢良策

彭城劉氏名向字政本名更生著洪範五行列女傳新序說苑

東漢

茂陵班氏名彪字叔皮茂陵人著王命論及賦論奏事九篇○彪子固字惠姬彪之女適曹世叔早寡號

扶風曹氏名大家兄固字著漢書未成而卒詔昭躡成之

平陵賈氏名逵字景伯平陵人注史記及經傳義井論難百餘萬言

長陵馬氏名融字季長茂陵人校正史記譌謬

南陽劉氏名珍字秋孫南陽人作建武以來名臣傳

琅邪伏氏名儼字景弘琅琊人著前漢書糾邪

北海鄭氏名玄字康成北海人注史記

滎陽服氏名虔字慎滎陽人注前漢書

潁川荀氏名悅字仲豫潁川陰人淑之名刪字漢書為帝紀三十卷

汝南應氏名劭字仲媛汝南人著漢

南陽文氏名穎字叔良南陽人注

三國

巴蜀譙氏名周字允南巴

陳留蘇氏名林字孝友陳留人注

東海王氏名肅字子雍東海人

安平孟氏名康字公休安平人

馮翊如氏名淳字翊人著

雲陽韋氏名昭字洪嗣雲

餘姚虞氏名翻字仲翔餘姚人著

中山張氏名晏字子傳中山人著

西晉

高唐華氏名蟠字叔駿高唐人表

巴蜀陳氏名壽字承祚巴西安漢

河南晉氏名灼字子盛河南人著

高平劉氏名寶字道真高平人著

泥陽傅氏名玄字體奕本靈州人徙居泥陽撰魏書

東晉

河東郭氏名璜字景純河東人博學高才注爾雅及西漢司馬相如傳

陽夏袁氏名宏字彥治陽夏人著三國志及東征等賦

陳郡王氏名隱銓之子陳郡人撰晉史九十餘卷

餘姚虞氏名豫字叔寧餘姚人著西漢書四十餘卷

太原孫氏名盛字安國太原人博學善言著魏武春秋三十卷及晉春秋十餘卷

襄陽習氏名鑿齒字彥威襄陽人博學治聞著漢晉春秋五十四卷

陳留蔡氏名謨字道明陳留考城人著前漢書百餘卷

嘉興干氏名寶字令升新蔡人徙嘉興著晉紀三十卷春秋左氏外傳注

丹陽薛氏名瑩字文潔丹陽人撰後漢書觀記百餘卷

陽夏袁氏名崧字道高陽夏人撰後漢書一百卷

東莞徐氏名廣字野民東莞人撰史記音義十三卷野民東莞人撰史記音義十三卷

南北朝

順陽范氏名曄字蔚宗順陽人刪後漢書成一家之作

河東裴氏名松之字世期聞喜人注三國志二十卷○松之字子嗣字龍駒人注史記四十卷

會稽謝氏名靈運會稽人玄之孫家

武康沈氏名約字休文武康人博極

平原劉氏名昭字宣卿平原人注

吳郡顧氏名野王字希馮吳郡人著陳

清河崔氏名浩字伯淵清河人博極羣書敘成

鉅鹿魏氏名收字伯啓鉅鹿人

隋

曲陽魏氏名濬字彥深下曲陽人詔濬別

博陵李氏名德字公輔博陵人撰北齊書三十卷

唐

鉅鹿魏氏名徵字玄成鉅鹿人

洛陽長孫氏名無忌字輔機洛陽人博

宜州令狐氏名德芬宜州人隋末棄官仕唐與李

魏郡李氏名延壽字延齡相州人撰南史

章懷太子名賢字明允高宗子招集名儒

琅邪顏氏名綽字師古琅邪臨沂人顏

龍門王氏名劭字君懋勃之弟撰隋書八十卷

彭城劉氏名知幾字子元彭城人博覽羣書脩國史著史通內外四十九篇

浚儀吳氏名比之董州人撰真觀政要及大唐春秋

河內司馬氏名貞字子正河內人撰史記索隱及補三皇紀自號小司馬以別之

京兆杜氏名佑字君卿京兆人撰通典

昌黎韓氏名愈字退之南陽人爲文粹然一出於正學者仰之如泰山北斗脩順宗憲宗實錄

贊皇李氏名德裕字文饒贊皇人吉甫之子注前後漢書行世

五代

歸義劉氏名煦字日輝涿州歸義人撰舊唐史通鑑等書

宋

肥鄉李氏名沆字太初肥鄉人著五代史註疏三十卷

河南富氏名弼字彥國河南人篤學有大度著唐鑑纂疏

晉城劉氏名羲叟晉城人脩唐史律歷天文五行志著十二代史劉氏輯歷春秋災異諸書

陽翟孫氏名甫字之輪陽翟人著唐史記二十五卷

廬陵歐陽氏名脩字永叔廬陵人文章名冠天下謚文忠撰唐書五代史

溫陵曾氏名公亮晉江人爲宰相練達朝政謚宣靖與歐陽脩宋祁同脩新唐書

雍邱宋氏名舉進士與京雍邱人庠之弟與兄同時

奉符石氏名復介字守道奉符人師事孫

浦城章氏名衡字子平浦城人嘉祐初進士

永康徐氏名元黨字中立永康人

濂溪周氏名敦頤字茂叔道州營道人博覽羣書著太

新喻孔氏名武仲字常父新喻人著

河南程氏名顥字伯淳世稱明道先生諡純正公封河南伯

龜山楊氏名時字中立將樂人潛心

眉山蘇氏名洵字發憤為學老泉眉山天下二十

東坡蘇氏名軾字瞻號東坡洵長子博通經史為文渾

穎濱蘇氏名轍字子由號穎濱洵次子為文汪洋

淮海秦氏名觀字少游高郵人長於議論文麗而

淮陰張氏名冠登字士著兩淮陰人十二歲能文弱

涑水司馬氏名光字君實平陽夏縣人累官端明殿學士封

道源劉氏名恕京兆人皇祐初舉進士與司馬溫

華陽范氏名祖禹字淳父脩唐鑑十卷從孫舉進士甲科與溫

清江三劉氏劉敏字貢父清江人學問淵博爲文尤瞻敏著兩漢刊誤○劉敏字士原父敏之弟博極羣書與

南豐二曾氏曾鞏字子固南豐人文章與歐陽脩齊名世稱南豐先生著兩漢論行世○

眉山史氏史燾字子開眉山父濟卿蘇軾兄弟師

武夷胡氏胡寅字安國字康侯崇安人累官至給事中諡文

致堂胡氏胡宏字明仲安國長子從楊時學世

五峰胡氏胡宏字以仁仲安國季子幼事楊時侯仲良而卒傳

籍溪胡氏胡宏字以仁仲安國季子幼事楊時侯仲良而卒傳

屏山劉氏劉廙字彞字久世稱溪先生晚著兩漢書辨正等書朱熹

白水劉氏劉勉之字致中崇安人鄉舉詣太學師事譙定楊時

晦庵朱氏朱熹字元晦婺源人松之子累官煥章閣待

象山陸氏陸九淵字子靜金谿人登進士第與朱子遊講

南軒張氏張栻字敬夫成都人爲吏部侍郎學者稱南軒先生古

河南呂氏呂本中字居仁其先河南人徒居壽州好

東萊呂氏呂祖謙字伯恭壽州人蒙正之後倡道於婺得中原

了翁陳氏陳瓘字彞中沙縣人登進士第號了翁

少微江氏江公著字彞中沙縣人登進士第號了翁

莆陽黃氏名公度莆田人紹興初舉進士第一工詩能文著漢書鐫誤及知稼集等書

金華唐氏名仲友字輔仁金華人講析經史號說齋著皇極經世圖譜及兩漢精義等書

丹稜李氏名齋字仁甫丹稜人博極羣書以名節學術知名海內作續資治通鑑長編用力四十年乃成謚文簡

侯官林氏名之奇字少穎侯官人號拙齋呂祖謙嘗師之著書經全簡等書卒祠於學

止齋陳氏名傳良字君舉瑞安人累官至寶謨閣待制稱止齋先生著左氏章旨及兩漢博議等書

永嘉陳氏名謙字益之永嘉人累官寶謨閣待制著兩漢精義及春秋解等書

默齋游氏名九言字訥夫建陽人年十二即爲文詆切秦檜受學於張南軒累官知光化軍著有漢唐精義

季雅陳氏字季雅著漢唐論斷行於世

朱氏名黼著秦漢論斷行於世

遂昌尹氏名起莘遂昌人隱居不仕學問該洽著通鑑綱目發明五十九卷行於世

永新劉氏名友益永新人宋亡卜築萬山間杜門讀書不與世接著通鑑綱目八卷屬文行於世

龍州李氏名舜臣字達子思井研人書法五卷行於世

平庵項氏名安世字平父括蒼人淳熙初舉進士自號平庵著易玩辭及兩漢表行於世

西山蔡氏名元定字季通建陽人而生穎異師事朱熹學者稱西山先生

南宮靖一著小學史

廬陵羅氏名泌字長源廬陵人學問該博著路史行於世